

ему светлые и высокообразные вещи по его достоинству во одеждах и в бинях, иже належит величеству его, также что к своему достоянцю прилично, и скоро посла ко отцу его и яви ему об нем. Егда услыша отец его, с радостию прииде и позна его, и халися о выи его и облобыза его, и от радости множество излиша слез. По сем уведе совершенно отец его и о Мелеонии, с радостию великою прослави бога и похвали ея мужественный и крепкий ум. И по сем вси достигоша столичного своего града, таже сотвориша законне браку сочетание вскоре. Отец же его великою радостию двояко себе возвесели: первое, о обретении сына своего, второе, о сочетании его подобней ему невесте, и вси прославиша бога и удивишася таковому страшному чудеси. И по сем по смерти своих родителей оные Бруна с своею Мелеониею достойне наследоваша престол своего отца и не точию во единой Ишпании, но и на всем свете возгреместа славою и разумом, паче же милостию ко всем, и вся Ишпания о том славяху бога, видяще у себе таковых руководителей и спасителей. И по многолетном жителстве не въ едино время, но в малых днех разстоянием, разлучи их бог от сего маловременного света на будущее веселие. Она же благородная, елико лет има к состарению приспеваста, толико более милостию простирахуся ко всем и до конечного разлучения души с телом не лишиста себе милости и по своем животе велию повелеша показати милость многим. Мы же, братие, слышавше таковая, в первых себе положим надежду твердо имети о бозе, по сем милостивым быти, по глаголющему: блаженни милостивии, яко тии помиловани будут.